

## MME UDỌN̄ ANDITIENE-CHRIST

Ñwed Mbon Colossae 2:20-23; 3:1-25.

ỌYỌHỌ UKPEP-ÑKPỌ 411

Eke Mkparawa

**IKỌ IBUOT:** “Edieke ekenamde mbufo eset ye Christ ndien, eyom ñkpọ enyọñ” (Ñwed Mbon Colossae 3:1.

### Udọñ

Nso idi ata akpan ñkpọ emi afo oyomde ndinam ke uwem emi? Nso idi udọñ fo? Nte afo oyom ndidi ebre ikwọ mme ọkwọ-ikwọ man ebre onyũ ọkwọ ke mme mbono ufọk-Abasi? Oyom ndidi anam utom Abasi ke idut efen? Oyom ndikwọrọ ikọ-Abasi? Kpukpru udọñ ndiñwam nnyũ nnam nti ñkpọ ke ererimbot oto Abasi, ndien owo oyom ndinam mmọ man enem Jesus esit.

Mfin emi nnyin ke ikot ediwak ñwed emi Paul, owo-mbet ekewetde ọnọ esọk ufọk-Abasi ke Colossae. Abasi akada Paul usuñ ndiwet mme ikọ emi ndien ema etim enim ñwed esie emi enyũ ewet enye esin ke Edisana Ñwed Abasi. Abasi oyom kpukpru anditiene-Christ ekot ñwed emi. Ñwed emi añwam ediwak owo ke ediwak isua tọñọ ke ini oro, eyenyũ añwam mme owo mfin emi, kpa nte akañwamde mbon Colossae.

### Oto Ke Mkpa Oduk Uwem

Mmọ emi Paul ekewetde ñwed emi ọnọ ema ekabare esit ke akpanikọ. Mmọ ekekere ete ke mmimọ ima ikpaña oto ke akani uwem emi mmọ ekedude. Mmọ ema ekpọñ mme usuñ ye mme udọñ mmọ enyũ edu uwem ke uwut-ñkpọ Christ emi ekedide ke isọñ ndinam uduak Ete Esie (Mme Hebrew 10:7). Ndusuk mmọ ekedi mbon Jew emi ekedade mme uwa mmọ edi ke Ufọk-Abasi ke Jerusalem nte ido ekedide, ndien ndusuk ekedi mme Idut emi ekeyomde ndinem mme abasi eto ye itiat mmọ esit. Edi mmọ ema edioñọ ndien ete ke ofuri ukeme emi mmọ ekesinde man efọn ema ekpu mmọ. Mmọ ema eketua ñkpọfiọk ke mme idiọk-ñkpọ mmọ, enyũ enim Jesus ke akpanikọ nte Andinyaña mmọ, ema efen mme idiọk-ñkpọ mmọ, ndien ema enam mmọ enen oto ke mkpa ye eriset Christ. Ke ñkop-uyo nnọ item emi Jesus ọkọnọde mbemiso Enye aka ke Heaven, ema enim mmọ uduọk-mmọñ nte uwut-ñkpọ enọ ererimbot nte ke mmimọ imekpaña ke ñkani uwem mmimọ, inyũ iset ye Christ ndidu obufa ye ukpuhọre uwem.

### Ndiyom Mme Ñkpọ-enyọñ

Ke emi, emenim ediye uwem anditiene-Christ ke iso mmọ “Edieke ekenamde mbufo eset ye Christ ndien, eyom ñkpọ enyọñ”. Enọ mmọ item ete ewuk esit ke ñkpọ enyọñ enyũ eyom ndinam uduak Esie ñkan kpukpru ñkpọ isọñ. Akana nte mmọ esin esit mmọ ke ñkpọ Abasi edi ekusin ke ñkpọ isọñ. Ke usen ke usen ekikere nnyin esuk ekere ñkpọ ebaña ufọk-ñwed, mme ufan ye mbre, ana nnyin ida ini idu ye Jesus. Ufañ 15 ye 16 ke itie ñwed oro ikotde owut usuñ nte otu, me owo kiet ekpekponode Abasi ke ufọk ke usenubọk. “Mbufo enyũ enyene esit ekọm” owut akam: “Edi ke kpukpru ñkpọ, esana ye akam ye mkpe-ubọk ye ekọm esian Abasi se mbufo eyomde” (Ñwed Mbon Philippi 4:6). Ndiyak ikọ Christ oduñ ke nnyin ọyọhọ-ọyọhọ ke kpukpru eti ibuot, owut ndikot nnyũ ñkere ikọ Abasi. “Emen Psalm ye hymn ye ikwọ uwem Spirit ekpep enyũ eteme kiet eken,” emen owut edikwọ ikwọ.

Ndien ke usen idomo edide, kere baña Jesus nnyũ ti nte ekedipde uwem fo ye Christ ke Abasi, emi odibede ererimbot. Mmọ ikwe inem ebuana emi afo enyenede ye Jesus ke esit fo, edi mmọ ekut idara oro odude ke ọkpọ-iso fo.

### Edianare Ye Idiọk-ñkpọ

Ke ima ikakpaña ye Christ, ema edianare nnyin ye idiọk-ñkpọ ke ema ekenyaña nnyin. Ema “ewot” mme idiọk-ñkpọ nnyin. Man nnyin imum erinyaña nnyin ikama, nnyin inyene ndiñwana ye idomo idiọk-ñkpọ emi edibiatde ufọk-Abasi idem nnyin emi Abasi okobotde ọnọ Edisana Spirit Esie ndiduñ.

Ke ema ekenyana nnyin, ima ikpọñ ñkpọ emi ekpekotde idiọk edibumere. Ema enyaña nnyin esio ke idiọk edibumere, Spirit usio-usiene, idiọk ikọ inua ye edisu nsu.

## **Ndisine Mme Mfɔn Abasi**

Ke emi nnyin ima ikɔkpɔn mme idiok-ɔkpɔ oro ikanamde, nnyin imenyene mme mfɔn Christ emi edide, ima, mfɔn-ido, ifure-ifure uwem, nsuhridem, ime. Edida emi idian ke uwem nnyin ke akamba idaha.

Ana nte nnyin iyɔ ye kiet eken inyuɔn ifɔn ido ye nditɔ eka nnyin iren ye iban ke ufɔk ye mme ufan nnyin ke ufɔk n̄wed, mmɔ oro ke ufɔk Abasi ye aɔwa okposuk edi nte mmɔ minamke eti ido kpukpru ini. Ana nte nnyin itiene uwut-ɔkpɔ Jesus. Enye ama efen ɔnɔ nnyin, ana nte nnyin n̄ko ifen mmɔ eken. N̄wed Abasi ɔdɔhɔ ete “Nte afo nde ukputuaha eyen-ete fo mbɔm, kpa nte n̄katuade fi mbɔm?” (Matthew 18:33).

## **Ima Abasi**

Ke ndidian ke ediye uwem anditiene-Christ, nnyin inyene ndisine ima. Afo emekeme ndidɔho ete “Ami mmenyene ima Abasi ke esit mi”. Oro ekeme ndidi akpanikɔ, edi edɔhɔ anditiene-Christ ete, yak mmɔ edediɔn eyɔhɔ ke ima. Edi uduot emi anam uwem anditiene-Christ ɔfɔn ama.

Ke kpukpru emi, ke ikɔ ye ke utom, ana nte nnyin inam ɔfɔn koro Jesus oyomde nnyin inam ntre inyuɔn itiene uwut-ɔkpɔ Esie.

## **Mme Item Uwem**

Paul aka iso ke n̄wed esie ndinɔ mme item nte ekpedude uwem ke ufɔk, ufɔk-n̄wed, ufɔk-utom, man enyene inem ye udori. Ete ye eka ana nte enyene ima enyuɔn enam utom ɔtɔ kiet ke ufɔk. Eka ana nte okpono Ete, ete n̄ko ana enyene esit ima onyuɔn okop odudu. Mmɔ ena nte etunɔ, ekpep, enyuɔn eneɔere nditɔ, nditɔ ana nte edi mbon n̄kop-uyo. Nso edi ntak emi eneɔerede ɔfɔn ndikop uyo? “Koro emi enemde ɔbɔn esit”.

Nnyin imokut ke ukpep-ɔkpɔ mfin emi ite kpukpru se inamde, inyuɔn itiɔnde, nte nnyin idude uwem edi ndinem Christ esit. Ke ini nnyin idude ke ufɔk-n̄wed ye ke utom ana nte nnyin ikop item mmɔ emi ekarade nnyin, idighe ndinyene eti idaha, inyuɔn idighe ndinem ete ufɔk-utom esit, edi koro Abasi oyomde nnyin idi mbon n̄kop item, onyuɔn enem Enye esit ke nnyin inamde ntre.

## **Nsinsi Utip**

Se ededi eke owo anamde ke ererimbot emi, me eti me idiok, Abasi enyɔn ye isɔn okut. Enye okokut kpukpru; Enye ɔfɔfiok kpukpru; Enye enen ke kpukpru n̄kpɔ ndien nnyin iyebɔ utip edieke nnyin inamde n̄kpɔ inɔ Christ ɔbɔn. “Koro owo eke anamde se idiokde eyebɔ utip idiok-ɔkpɔ oro akanamde; Abasi iteɔeke owo enyin”.

### **MME MBUME**

- 1 “Ema ekakpa ye Christ” ɔwɔrɔ didie?
- 2 Nso edinam ke nnyin inam nte uwut-ɔkpɔ inɔ ererimbot ite ke nnyin idu obufa uwem ke Christ Jesus?
- 3 Ndisin esit ke n̄kpɔ enyɔn ɔwɔrɔ didie?
- 4 “Ewot mbak idem mbufo emi edude ke isɔn” ɔwɔrɔ didie?
- 5 Siak mme idiok-ɔkpɔ emi ekemedede ndikot ete idiok-ɔkpɔ ibumere.
- 6 Ewe mfɔn Abasi ke ekeme ndidian ke uwem nnyin nte mme anditiene-Christ?
- 7 Nso edi ntak emi ikpefende mmɔ efen?
- 8 Nso edi se ibɔpde uwem adiana inam ɔfɔn ama”?
- 9 Siak ufaɔn n̄wed iba ke itie emi ikekotde emi ɔnɔde item ke abaɔna edikpono Abasi ke ufɔk.
- 10 Mme anditiene-Christ ekpeduɔn didie ke ufɔk?